

09 AUG 1999

EKUESTRIAN: EAM ANJUR PIALA MERDEKA AKHIR OGOS

KUALA LUMPUR, 9 Ogos (Bernama) -- Sempena sambutan Hari Kemerdekaan, Persatuan Equestrian Malaysia (EAM) akan sekali lagi menganjurkan Kejohanan Equestrian Merdeka dari 29 hingga 31 Ogos.

Presiden EAM Md Azar Ismail berkata kejohanan yang digagaskan oleh Perdana Menteri Datuk Seri Dr Mahathir Mohamad terus berkembang dan mendapat publisiti sejak dimulakan pada tahun 1992.

Kejohanan kali kelapan itu dianjurkan oleh Dewan Bandaraya Kuala Lumpur (DBKL) dan The Gallop yang menjadi penaja utama.

Acara itu akan berlangsung di Unit Berkuda DBKL, Taman Titiwangsa dan akan dirasmikan oleh Datuk Bandar Kuala Lumpur Tan Sri Kamaruzzaman Shariff.

Md Azar berkata EAM menjemput penyertaan dari Thailand, Indonesia, Filipina dan Singapura.

-- BERNAMA

ERE LAT